

13

9. mars

4. gr.

Styrktarsjóðnum stjórnar hinn evang. lútherski biskup í Reykjavík. Hann geymir höfuðstólinn á þann hátt sem talist getur tryggilegur og tekur ákvörðun um, hvernig vöxtunum skuli verja eftir reglunum í 3. gr. Skal árlega leggja fram reikning sjóðsins og skal hann endurskoðaður af endurskoðanda, sem dóms- og kirkjumálaráðuneytið tilnefnir.

Köbenhavn, 21. nóvember 1925.

*N. Dalhoff.*

14

16. mars

## S A M Þ Y K T

um

sýsluvegasjóð í Skagafjarðarsýslu.

1. gr.

Í Skagafjarðarsýslu skal vera sýsluvegasjóður.

2. gr.

Kostnaður við þær vegabætur, sem að lögum hvila á sýslufjelaginu, greiðist úr sýsluvegasjóðnum.

3. gr.

Í Skagafjarðarsýslu skulu vera þessir sýsluvegir:

1. *Hegranesvegur* frá Sauðárkrók um brýr yfir Vestur og Austurós Hjeraðsvatna.
2. *Hofsósvegur* frá skamt austan við brú yfir Austurós Hjeraðsvatna út Viðvíkursveit og Óslandshlíð til Hofsós.
3. *Blönduhlíðarvegur* frá skamt austan við brú yfir Austurós Hjeraðsvatna fram Viðvíkursveit og Blönduhlíð á þjóðveginn utan við Dalsá.
4. *Hólavegur* frá Kolkuós heim að Hólum.
5. *Fljótavegur* frá Hofsós um Höfðaströnd, Sljettuhlíð og Fljót, um Fljótabrú austan Fljótaár að Prasastöðum og frá Fljótabrú ofan Fljót að Hrauntúni.
6. *Tungusveitarvegur* frá þjóðveginum sunnan við Reykjahóla um Reyki og að Goðdölum.
7. *Laxárdalsvegur* frá Sauðárkrók um Laxárdal að Selvík.

4. gr.

Í sýsluvegasjóð skal árlega greiða vegaskatt af öllum fasteignum innan sýslunnar. Skattur þessi greiðist á manntalsþingi af ábúanda hvernar jarðar, en af eiganda hvernar lóðar eða húseignar í kaupþúnum. Þó skal

hreppsþjelagi heimilt að greiða skattinn úr sveitarsjóði, sje það samþykkt með  $\frac{2}{3}$  atkvæða á lögsmætum sveitarfundi, sbr. 53. gr. sveitarstjórnarlag- 14  
anna, og tilkynning um það komi til sýslumanns fyrir 1. apríl. Gildir sú skipun þangað til fundarsamþykktin er úr gildi feld með sama hætti. Jafnar hreppsnefnd þá skattinum niður með aukaútsvörum, og skal hreppsnefndaroddviti greiða hann sýslumanni á gjalddaga þeim er áður er sagt. 16. mars

#### 5. gr.

Sýslunefnd ákveður jafnan fyrir eitt ár í senn hve hár vegaskatturinn skuli vera það ár, en hann skal vera minst  $1\frac{1}{2}$  af hverju þúsundi af virðingarverði skattskyldra fasteigna, samkvæmt fasteignamati, og má eigi hærri vera en 6 af þúsundi, nema samþykki atvinnumálaráðherra komi til í hvert sinn. Skal skatturinn miðaður við áætluð gjöld til vegabóta, að viðbætti eyðslu um fram áætlun undanfarið ár en að frádregnu áætlugu tillagi ríkissjóðs, ef til þess kemur samkvæmt lögum nr. 10, 20. júní 1923.

Með gjöldum til vegabóta teljast vextir og afborganir af lánum, teknum til vegabóta, enda hafi ráðherra samþykkt lánskjörin að fengnum tillögum vegamálastjóra.

#### 6. gr.

Í verslunarstöðum, sem eru hreppsþjelög út af fyrir sig, skal hálfur vegaskatturinn renna í sveitarsjóð, ef hreppsþjelagið ver til vegagjörðar innan hrepps á því ári að minsta kosti jafn miklu fje úr sveitarsjóði, sem hálfum vegaskattinum nemur, auk hreppsvegagjaldsins sem það hefir til umráða það ár, og hafi hreppsvegagjaldið þá verið ákveðið með hámarki þeirrar upphæðar á hvern verkfæran mann, sem lög heimila.

#### 7. gr.

Heimilt er sýslunefndinni að ákveða einstökum hreppum misjafnt hundraðsgjald, er miðist við þau afnot, sem hrepparnir hafa af vegakerfi sýslunnar. Hámark hundraðsgjalds í einstökum hreppum má ekki vera meira en 30% hærra en meðalgjald í sýslunni.

Nú er lagður akvegur í gegnum hreppinn, eða aðallega í þágu hreppsins, og heimilast þá sýslunefnd að setja sem skilyrði fyrir framlagi úr sýsluvegasjóði, að hreppurinn sjái um, að lagt verði fje á móti, eftir nánari ákvæðum sýslunefndar í hvert sinn.

#### 8. gr.

Undanskyldar vegaskatti eru allar kirkjur, skólahús, sjúkrahús og þinghús. Ráðherra er heimilt eftir tillögum sýslunefndar, að undanþygga skattgjaldi að einhverju leyti eyjajarðir ásamt húsum og lóðum á þeim, enn fremur að ívilna að einhverju leyti jörðum, sem eru í mjög háu mati vegna sjávarhlunninda.

Á sama hátt má ívilna þeim kaupúnum, sem eru sjerstakt hreppsþjelag og hafa lítil not af vegakerfi sýslunnar.

14

9. gr.

16. mars

Oddviti sýslunefndar semur árlega reikning sýsluvegasjóðs. Skal reikningur undanfarins árs lagður fram á sýslufundi til samþykta, og gilda þar um sömu reglur, sem um sýslusjóðsreikninginn. Á sýslufundi skal semja áætlun um tekjur og gjöld sýsluvegasjóðsins yfirstandandi ár.

Afrit af sýsluvegareikningnum, ásamt áætluninni, skal oddviti sýslunefndar senda vegamálastjóra að afstöðnum sýslufundi.

10. gr.

Sýsluvegasjóðurinn skal fá tillög úr rikissjóði eftir því, sem ákveðið er í 8. gr. laga nr. 10, 20. júní 1923.

11. gr.

Gjöld samkvæmt samþykkt þessari má taka lögtaki eftir lögum nr. 29, 16. des. 1885, sbr. lög nr. 10, 20. júní 1923.

12. gr.

Fyrir brot gegn samþykkt þessari skal sá, er sekur verður greiða 10—200 kr. sekt, er rennur í sýsluvegasjóð og fer um mál út af slíkum brotum sem um almenn lögreglumál.

13. gr.

Á samþykkt þessari skal leita staðfestingar atvinnu- og samgöngumálaráðherra.

Samþykkt þessi, sem sýslunefnd Skagafjarðarsýslu hefir samið og samþykkt samkvæmt lögum nr. 10, 20. júní 1923, staðfestist hjermeð til að öðlast gildi þegar í stað og birtist til eftirbreytni öllum, sem hlut eiga að máli.

Atvinnu- og samgöngumálaráðuneytið, 16. mars 1926.

Magnús Guðmundsson.

*Vígfús Einarsson.*

15

19. mars

STAÐFESTING KONUNGS á skipulagsskrá fyrir Styrktarsjóð sjúkrasamlags Sauðárkróks, útgefin á venjulegan hátt að mandatum af dóms- og kirkjumálaráðherra 19. mars 1926. Skipulagsskráin er þannig:

## SKIPULAGSSKRÁ

fyrir

**Styrktarsjóð sjúkrasamlags Sauðárkróks.**

1. gr.

Sjóðurinn heitir Styrktarsjóður sjúkrasamlags Sauðárkróks, og er stofnaður með gjöfum; hann má ekki samlagast varasjóði samlagsins.